

baum ist es nicht gut / weil die krümmen darinn gern zerbricht : Dar-
nach stelt man die Schrauben mitten darein / da der Zwerchbaum
gespalten ist / sampt ihrer Hülsen / welche auff des Zwerchbalcken
beyden armen auff ligt / vnd hat zwey kleine Eisen / so man bolzoni
nennet / die kan man auff vnd zuthun. Ein solche Machina mag
vngesehr bey drey hundert Ducaten kosten / daran denn die 60. nur
auff's macherlohn auffgehen.

Auflegung der Buchstaben

in dieser dritten Figur.

- A. Der Steinin Tisch / darauff man die öhlbeer oder Leinsamen
presset : bey achthalben schuch lang.
- B. Die Rinne / dardurch das öhle heraus rinnet in den Eimer /
oder das Faß.
- C. Der Eimer oder das Faß / darein das öhl rinnet.
- D. Die zween hindern Balcken / mit Eiseren blechen beschlagen.
- E. Die zween vordern auffrecht stehende Balcken.
- F. Hölzerne Keil.
- G. Der Zwerchbalck oder Wendholz.

Die